

F. E. BRVCKMANNI,
MED. DOCT. ACAD. CAESAR. NAT. CVRIOSOR. ET
SOC. REG. PRVSS. SCIENT. COLLEG. ET
PRACT. BRVNSVICENS.

SPECIMEN POSTERIVS
BOTANICO-MEDICVM

EXHIBENS

ARBOREM

LIMBOWE
DREWO,

EIVSQVE

OLEVM

LIMBOWI OLEY

DICTVM.

CVM FIGVR.

BRVNSVIGAE
APVD LVDOLPH. SCHROEDER,
M D C C X X V I L

NOBILISSIMO,
EXCELLENTISSIMO ATQVE EXPERIEN-
TISSIMO VIRO,

DOMINO
DN. IOH. HEINR.
BVRCHARD,

(MED. DOCT. CONSVLTISSIMO,
CONSILIARIO PRVDENTISSIMO

ET

SERENISSIMI DVCIS BRVNSVICENS. ET LV-
NEBURG. ARCHIATRO CELEBERRIMO,
BOTANICO HVIVS SECVLI PRINCIPI, RE-
RVMOVE NATVRALIVM AESTIMATORI
SINGVLARI,

FAVTORI SVO

OMNI HONORIS ET OBSERVANTIAE CVLTV
DEVENERANDO

HANCCE EXERCITATIONEM

DE

LIMBOWE DREWO

DEVOTA MANV OFFERT

F. E. BR. Med. Doct.



PRAEFATIVNCVLA.

LECTORI SALVTEM!

Historiam naturalem & medicam fruticis Carpathici Koszodrevvina dicti, ejusque saluberrimi balsami, ante aliquot praetergressas hebdomadas Lectori benevolo tradidimus, nunc quoque secundum nostra promissa, Arboris Carpathicae, ejusque praestantissimi Olei, prius, nempe fruticis supradicti, virtutibus adhuc prapollentis, ea, qua fieri poterit, brevitate, exhibebimus. Speramus hanc non minus relationem, quam priorem, Lectori jucundam futuram, cuius perpetuo & constanti favori nos optime commendamus.

SPECIMEN
BOTANICO-MEDICVM
EXHIBENS
ARBOREM
LIMBOWE-DREWO
EIVSQVE OLEVUM
LIMBOVI-OLEY
DICTVM.

§. I.

QVatuor Carpathicorum Hungariæ, ferme totius Europæ altissimorum montium, regiones priori stitimus specimine, quarum secunda, pedem montis excipiens, erecta quadam & semper virente arbore gravida est & superbit, quæ *Pinus Carpathica*, accedit enim proxime ad Pinum, Slavis *Limbowve Drewo* & Germanis *Limbaum* audit, male vero *Tilia*, cum qua nec ullam habet convenientiam, vocatur. Dicitur vero *Arbor Carpathica* ad distinctionem Fruticis Carpathici, qui in tertia horum jugorum regione læte viret & ramos suos hinc inde prope terram diffundit, hæc vero planta, de qua in præsentibus nobis sermo, erecta statura in atmosphæram surgit

furgit, inque ea ramos suos in omnes plagas spargit. Priori specimine laudatus Dn. Doct. Fischer vocitat hanc arborem *Libanum Carpathicum* partim ob odorem, quem planta hæc de se spargit, Olibano vel Thuris Gummi odorato æmulum, partim propter egregias & excellentes virtutes, quæ meliores & præstantiores in hac arbore, quam supranominato frutice observantur. Carpathicus vero appellatur, quoniam nullibi, quantum quidem hætenus apud nos constat, crescat, quam in his nivis montibus. Primus eum detexit Christianus ab Hortis, celeberrimus olim Käsarkiensiſum Medicus & Phisicus, hanc montium seriem Anno 1683. superiori seculo perscrutans, qui quoque paulo post deinde modum ex ista arbore delicatissimum & saluberrimum balsamum vel oleum suavissimum parandi scite docuit.

§. II.

Hic Libanus Carpathicus amœnissimi aspectus arbor est, resinifera & conifera, decorâ magnâque proceritate erectâ in altitudinem notabilem assurgens, lata ramorum perpetuo viridantium expansione & umbra recreans, extus cortice vel corio inæquali rugoso squammoso puniceo tecta; ramis & furculis, foliisque acutis & pun-

pungentibus, totam ramorum peripheriam undique optimo ordine ambientibus, vestita, fructus conis pini similes, sed edulibus nucleis gravidos ferens, oleumque saluberrimum in multis humani generis infirmitatibus admodum utile & proficuum largissima manu præbens.

§. III.

Arborem esse patet ex definitione arboris, est enim planta lignea procera in altitudinem plus minus notabilem surgens, lata ramorum expansione, caudice vel trunco intus medullato circa ambitum durescente gaudens, extus cortice crasso, ceu munimento adversus aëris injurias, circumdata. Porro ad resiniferas pertinet, quia resina & oleum resinosum vel sponte vel vulnere instrumentò inflicto ex ea abundanter emanant, ramorumque præterea apices optimum stillant largissime balsamum, ipsique fructus interdum quanti quanti resina fragrant obducti inveniuntur & ex arbore detrahuntur. Porro e coniferarum classe est, nam strobilos fert squamiferos, breviores quidem abietis conis, longe tamen hisce crassiores. Altitudine sæpe numero excelsam anteit pinum, statura gaudet erecta in omnem mundi plagam ramorum elegantes de se spargens ordines, quarum umbra lassos miri-

mirifice recreat, & ad somnum jucundum invitatur. Cortex est rigidus & squamosus ad pini corium proxime accedens, resinam exsudans copiosissimam liquidam. Flores habet imperfectos stamineos cum reliquis arborum coniferarum speciebus communes. Foliis gaudet nunquam non viridibus, licet niveo amictu in media hyeme tectis, acutis & pungentibus, instar pini vel abietis acum, longitudine tamen & resinositate hisce longe præterendis. Fructus hujus arboris sunt receptacula nucum parvorum, magnitudine, substantia, colore, odore, sapore & cortice ad Pineolas accedentium, quibus quando durior cortex osseus detractus vel fractus, delicatum candidum nucleum esui potrigunt, Magnatum mensis secundis vel per se vel conditum apponendum. Arbor hæc conifera durat & viret omni anni tempore, licet

*Tristis hyems viridi spoliavit prata decore,
Decussit sylvis rigor omnem australis honorem,
Nudavit frondes foliis, rapuitque virorem;
En nec ager fruges, nec vinea possidet uvas,
Nec salices ripis, nec robora monte virescunt,
Gramina jam nec humus monstrat viduata
nec herbas,*

Nul-

*Nullis jam florum sunt picta coloribus arva,
 Decidua durantur aqua, rivique gelantur.*
 Viridi coma semper superbit, & omnem frigiditatis inclementiam & rigorem balsamo suo nativo & calido eludit, ventorum injurias spernit & contra Syrii ignei æstus adurentem sua fronde se munit. Balsamum reliquum vel oleum gratissimum, Limbaum Dehl dictum, vel sponte vel arte productum largiter, quod multis hominum malis optime medetur, & de quo mox plura faciemus verba, exhibet. Appropinquantium naribus refectionem hoc vegetabile arboreum dat odoribus suaveolentibus plenam, præsertim florido vernali tempore, exhalat enim effluvia grata, & quidem ea eo largius & facilius, dum radii solares in hanc plantam evibrati succum inibi contentum attenuant, dissolvunt, rarefaciunt, texturam vegetabilem laxant, poros ampliant, quo facto, aer tunc subtilisatus abripit effluvia & ad organum olfactus naresque convehit.

§. IV.

Nec frutex, de quo in priori specimine, nec arbor Carpathica transplantatæ in aliam, extra montium lapidosam saxosamque, regionem propagantur, ad tempus quidem, sine increment-

mento tamen, propter balsamum adhuc in visceribus suis nutritioni aptum delitescens, virent, quo vero consumto, nec terræ gremium novum idoneum pro augmento ulterius suppeditante, emoriuntur, nec ullibi, nisi in montoso illo tractu patrio, soloque natali speciem suam conservant. Ipsimet vidimus superiori anno Käs-markii, quod ad radices tamen montium situm est, nec procul distat, juniores quasdam arbusculas in Reverendissimi cujusdam verbi evangelici ministri, Domini Joh. Lany, horto aliquot ante nostrum in hanc Regiam liberamque Hungariæ Comitatus Scepusiensis urbem adventum fatas, quæ jam frondibus dimissis suis ad terram pendulis solum nutritioni haud adæquatum & conveniens accusare & diem emortualem minari videbantur.

§. V.

Hinc inde naturales plantarum historias perferunt, & commodum genus, ad quod posset referri, & quocum characterem analogum haberet, quærentes, incidimus tandem in Pinum, sic dictam, sativam & domesticam, a qua parum recedere cognovimus, uti ex sequentibus melius patebit. Pinus domestica s. sativa
der zahme Fichtenbaum / in territorio Florentino
 B &

& ad promontoria littoraque maris Tyrreni,
& quibusdam aliis Italiæ calidioribus provinciis
nascens, statura erecta & alta est, foliis orna-
tur longis & acutis, fructu gaudet magno conifor-
mi ex multis duris & ligneis fere squammis,
sub quibus oblongæ rotundæque parvæ nuces,
quarum nuclei, detracto & fracto cortice du-
ro, albi, oleosi & dulces sunt, vocanturque Nuclei
Pineæ, Pinelen, Pignolen, amandes de fruit du Pin,
Zirbel oder Thau-Nüßlein &c. latent, constante.
Noster Libanus nihil aliud est, quam istiusmo-
di pini species, de foliis & fructu nihil amplius
addemus, cum supra jam fusius de istis loquuti
simus, & quilibet facile quoque hanc nostram
cum illa Florentina comparare poterit arborem.
In hoc saltem puncto recedit, quod noster Li-
banus fructum coniformem ferat minorem sub
qualibet squamma singularem modo nucem
monstrantem, cum supradictus littoris Tyrreni
strobilus major sit, & sub singulis squammis li-
gneis binos largiatur nucleos, magnitudine ta-
men & forma externa, colore, odore, sapore
& reliquis attributis ab istis non dissimiles, quos
etiam inter se commixtos nullus, facile separare
& scungere a se invicem poterit. Summa cu-
ra summoque studio omnia, quæ corradere li-
cuit,

cuit, Botanicorum scripta evolvimus, nullum autem horum, qui hujus plantæ vel titulo adjecisset mentionem, invenimus, & forsan adhuc diutius in hisce frigidis montibus sine usu aliquo, qui nunc culinaris & medicus est optimus, abjecta latuisset, nisi jam sæpius nominatus Medicus Kasmarkienſis, ab Hortis dictus, superiori seculo eam detexisset, & oleum ex ea parasset haud injucundum. Post cujus fata & tempora arboris hujus & olei nomen excellentissimus Dom. Doct. Milleter suæ eruditissimæ dissertationi de morbo Tšömör, Lugduni Batavorum 1717. publice in cathedra ventilatæ, pagina ultima adjecit, sine ulla vero uberiori descriptione. Eodem quoque anno D. Doct. Dan. Fischer, amicus noster singularis, plenariam delineationem celeberrimo Vratislaviensium Medicorum Collegio, quod istam, sat erudite elaboratam, suis Annalibus Mens. Novemb. Classe IV. Articul. X. pag. 331. inseruit, communicavit. Ultimo quoque Reverendissimus animarum Posoniensium Evangelicarum Medicus, Matth. Bel hanc arborem Carpathicam breviter ejusque oleum in suo Historiæ Hungariæ Novo-antiquæ Prodromo optime de meliorique nota commendavit, putavitque Cedri speciem vel esse, vel Ced-

manzila (r)

dro saltem cognatam arborem, nisi multa; quæ Botanographi de Cedro Libani montis memorant, non concordarent cum nostra planta; Cum Cedro enim hoc saltem commune habet, quod lignum ejus æternæ sit durationis, corruptionem nullam, putredinem, cariem verminosam atque tinearum, aliorumque lignivoracum insectorum, morsus & ictus unquam sentiat.

§. VI.

Tandem & ad usum, qui triplex est, hujus arboris calamo nostro progressum facimus, primus est culinaris & œconomicus, lignum ad coquendos cibos aptissimum est, flammamque derepente ob resinositatem suam, qua scatet, facile concepit, & instar abietis vel pini ligni cito in fumum abit & deflagrat. Secundus mechanicus est, cum enim cariei putridæ & verminosæ, tinearumque terebrantium prorsus ignatum sit, & materiam æternam constituat, optime ad magna & splendida Magnatum ædificia, posteritati & æternitati consecranda, in usum trahi poterit; inscii quidem sumus, an unquam ad hæc usurpatum, nec ne? vel an ex his præcipitibus Alpibus sine magna pecunia ingentique sumtu deferri possit?

Tertius usus est medicus, qui variâ non inutilia porrigit medicamenta & quidem

1.) *Lignum*

I.) *Lignum cum cortice*, quod balsamicum & resinosum, diureticum, diaphoreticum, antiscorbuticum & vermifugum est, reliquum & easdem virtutes, ligno nephritico & fruticis Carpathici adscriptas & tributas, eminentiori gradu adhuc possidet. D. Doct. Dan. Fitcher duo composuit medicamenta & in officinas Käsarkienses & Nicolaenses introduxit pharmaceuticas, Essentiam nempe compositam contra vertiginem, in affectibus capitis nunquam satis dilaudandam, & Elixir antivenerereum, in lue turpi Gallica universali & particulari præstantissimum, in quorum compositiones & hoc lignum cum cortice recipitur, prius medicamentum sequens est:

℞ Ligni Libani Carpath. ℥ss.

Aloës ℥ss

Castor:

Ambræ Gryf. aa ℥ss. M.F.I. a. cum spiritu
vini rectificat: Essentia.

Posterius vero in hunc paratur modum:

℞ Balsam. Hungar.

ex Libano aa. ℥ss.

Gum. Guajaci veri ℥ss.

Mumiæ transmarin. ℥ss.

B 3

Olei

Olei ligni Sassafr. ꝑj.

Spir. Cochlear.

Juniper.

Carpathi f. ferment.

Libani Carpath. aa. q. S. F. l. a. Elixir, cui
adjici potest Sal. Tartari parum, ad meliorem
specierum extractionem.

§. VII.

2.) *Essentiam ligni Carpathici* Spiritu vi-
ni rectificatissimo extractam; usum & virtutes
cum ligno & Essentia ex ligno fruticis Carpa-
thici præparata, de qua in priori Schediasmate
loquuti sumus, eandem habet & in praxi eun-
dem præstat effectum.

§. VIII.

3.) *Spiritum per fermentationem & sine*
ea paratum, qui in & externe adhibetur; prio-
ri modo assumptus efficaciam similem cum ante-
cedente Essentia spondet & promittit; postero-
ri vero, tumoribus illitus, eos resolvit & discu-
tit, enormesque podagricorum cruciatus lenit
& sedat,

§. IX.

4.) *Resinam vel Sponte e corticibus &*
fructu enaram, vel vulnere instrumento quo-
dam ferreo facto prolectam, commendamus in
affe-

affectibus Scorbuticis & Venereis non sine fructu adhibendam, balsamica est & Sanguinem impurum mundificat. Credimus firmiter succinum Carpathicum, hinc inde in montibus repertum & collectum, cujus etiam portiunculam a Reverendissimo clarissimo nationis Slavicae Käsmarkiensis concionatore & Rectore Gymnasii illustris istius urbis fidelissimo, Dom. Buchholtz. accepimus, & in nostra rerum naturalium collectione, simul cum aliis naturalibus, quæ nobis præsentibus muneri dedit, in istius clarissimi viri memoriam asservamus, nihil aliud esse, quam resinam hujus arboris puram sponte natam & ex arbore deciduam, quæ tractu temporis, solis ardore, frigorisque vi accedentibus, in tantam, quam nunc præ se fert, succino Maris Balthici vero æqualem, duritiem abiit & induravit.

§. X.

5.) Fructum, Slavis *Schulky Limboreje*, Germanis *Limbaum- Frucht* / dictum, quem Magnatum procerumque Hungariæ mensis apponunt, easdem habere virtutes nutritivas & usum medicum, ac Pineoli Italici, experientia docuit; excorticati enim & a pellicula mundati nuclei, albi & oleosi optime corpus nutriunt, semen augent,

gent, hæctica & phthisi decumbentibus solatium afferunt, bonumque succum nutritium addunt; acres, salfos & scorbuticos humores edulcorant & jucundum excitant somnum &c. Oleum ex iis, non secus ac ex Pini fativæ nucleis parari potest, residua pars crassa & fursuracea cosmetici loco ad manus mundificandas valde apta est.

§. XI.

6.) *Oleum* vel *Balsamum Hungaricum* cum epitheto, *ex Libano*, vel *Oleum Carpathicum ex Libano*, ad distinctionem à Balsamo Hungarico e frutice Carpathico parato. Inventionis gloria assignatur Christiano ab Hortis, natione Silesio, Nobili Hungaro & Medico celeberrimo. Germani id vocant *Limbaum Oehl*/Slavi *Limborovi Oley*, quidam, mutuato a Germanis nomine, sed incongruo & minus apto, *Oleum Tilia*, appellant, arborem enim non *Tilia*, sed Pini speciem esse fusiis §. V. docuimus. Hoc oleum quadruplex est: 1.) *Natium*, quod sponte ex ramorum apicibus exsudat, & in appensa vasa depluit vitrea & colligitur. 2.) *Destillatum*. 3.) *Expressum* & 4.) *coctum*. Cum vero hi processus nihil distent a modis præparandi oleum ligni curvi vel falcati, lectorem ad prius schediasma remittimus, ne ad nauseam cramben bis coquamus.

§. XII, Balsa-

§. XII.

Balsamum hoc est album, pellucidum & admodum fluidum, saporis calidi & penetrantis gratissimi, odoris Carvi, sed longe gravioris, non sine singulari efficacitate morbis quam plurimis medetur. Destillatur, coquitur & exprimitur rudi arte sine notabili encheiresi in iisdem duobus antecedente specimine nominatis pagis a gente rustica, quæ id postea oleorum circum foraneis tradit, ad alibi locorum per Hungariam Transylvaniam distribuendum & vendendum. Nativum Balsamum reliquis arte paratis oleis excellentius est. Dosis pro diversitate ætatis sexus, subjectorum & morbi variat, non facile autem ultra X. vel XII. guttulæ una vice assumuntur.

§. XIII.

Quod tandem demum ad usum & virtutes attinet, sequentes ab autore & inventore laudantur, magnisque encomiis extolluntur:

- 1.) Dienet er/ der Balsam / vor den Schwindel des Hauptes/ nur auf die Nacht die Schlaffe darmit bestreuen/ es hilft wohl.
- 2.) Ist das Oehl sehr gut für das Gehör / und für das Säusen der Ohren / nur in die Ohren getropft / so verhehet bald.
- 2.) Ist das Oehl sehr gut für die Hitz und Ohnmächten des

des Herzens/ des Morgens und Abends 4. Tropffen in Wein gebraucht.

4.) Ist das Oehl sehr gut für schwere Krankheiten/ nur 6. Tropffen in Wein gebraucht.

5.) Ist das Oehl sehr gut für den Bruch der Alten/ und Jungen Kinder/ des Morgens und Abends von diesem Oehl gebraucht/ ein alter Mensch 6. Tropffen und ein Junges Kind 2. Tropffen in Mutter-Milch vermienget/ oder in anderer Milch.

6.) Ist das Oehl gut für langwehrende Krankheiten/ des Morgens und Abends von diesem Oehl gebraucht/ es mag seyn in Brantwein oder Wein/ es schadet nicht/ dann dieses Linbaum-Oehl heilet auch alte und neue Schäden und Wunden/ darum will ich nicht viel Wörter machen/ weil man das Oehl viel lieblicher/ köstlicher und edeler kan gebrauchen/ als das Krumbholz-Oehl.
Haftenus Ch. ab Hortis.

Circum foranei autem in sua schedula, quam emptori pro informatione & legitimo usu simul cum oleo exhibent, has recitant vires:

Receptum de virtute & efficacia
Olei Tiliæ.

- 1.) Bonum est hoc oleum contra vertiginem capitis, si eodem vesperi tempora inungas. Multum juvat.
- 2.) Proficuum est contra surditatem & aurium tinnitum, si guttatim immittatur in aures.
- 3.) Utile est contra calores internos, cordis deliquium, & palpitationem, mane & vesperi

- ri ex eo IV. guttæ in vino adhibeantur.
- 5.) Bonum est contra herniam, tum adulatorum, tum infantum mane & vesperi sumptum, adultus quidem 6. guttas, infans autem 2.umat lacte matris, aut alio lacte permistas.
- 6.) Denique proficuum est oleum hoc contra diuturnos morbos, si mane & vesperi sumatur, sive in vino adusto, sive usuali nihil refert; hoc enim oleum Tiliæ externe & interne adhiberi potest, & sanat tum antiquos, tum recentes morbos & vulnera.

§. XIV.

In fine casum adjiciemus, & virtutem hujus olei antispasmodicam propria experientia confirmabimus: Fœmina quædam hic Brunsvigæ in tertium mensem gravida, temperamenti phlegmatici, dolores, spasmos & tremores artuum, manuum & pedum, quatuor circiter post partum horis nocturno tempore sentiens, cum enormi frigore, anxietate cordis & asthma quasi convulsivo. Ut auxilium ferremus repente vocati, in lecto, ac si nullo non momento extremum vitæ halitum efflare & expirare cogeretur, invenimus; statim autem curavimus asferri hoc balsamum, & octo guttas in aqua Cinnam: s. v. exhibuimus, quibus assumtis libere spiri-

spiritum trahere incipiebat, remittente simul cordis anxietate. Post horulam sitiebat, dari curavimus infusum Herbæ Thée boût commixtum cum IV. guttulis iterum hujus Carpathici balsami, interdum enim adhuc spasmi manus pedesque retrotrahebant. Quo facto domum rediimus, & altero mane pro restitutione in meliorem statum gratias nobis misit, & nunc pristina iterum valetudine gaudet.

§. XV.

Plura non restant, quæ afferre possemus de hac præstantissima & universali fere Hungarorum Panacæa. Honorandus lector benevolo & amico accipiat animo & nos porro favore suo prosequi pergat.

Explicatio Figurarum.

- II. Sistit ramum hujus arboris cum suis foliis acutis.
- III. Fructum integrum coniformem cum suis nucleis intus sub squammis delitescentibus.
- IV. Nucleos binos & fructu solutos, Pincolis Italiorum non absimiles.

F I N I S.



aus mnnn /ulp Woll

2



